

NIA VOĈO

Madrida Esperanto-Liceo

San Alejandro 6-4°B-Ext. 28005 Madrid
(Nur poŝta adreso)

Ni kunvenas lunde je la 18,30 en Rodríguez San Pedro 13-3°-7

Ekde 1985 redaktas kaj eraras: Lupe Sanz

FEBRUARO 2009

En aparta folio ni inkludas protokolon de la Ĝenerala Kunveno de MEL

EN HISPANIO

Valencia esperantisto Ismael Ejarque anoncis sian pretecon doktoriĝi en Esperanto ĉe AIS-Sanmarino. Li jam havas la doktorigan tezon praktike finita, pri genetiko. Ankaŭ en Valencio, Augusto Casquero, profesoro de esperanto en la Universitato de Kantono (Ĉinio), programis esperantan kurson (januaro-februaro 2h semajne)

La koruso "**Verda Stelo**", kiu naskiĝis kun esperantistoj de Madrida Esperanto-Liceo kaj kantas jam dum 25 jaroj en esperanto, kontaktis kun la madrida koruso "**Grupo Esperanto**" por interŝanĝi esperantajn partiturojn.

Danica kaj Ďorne Obradović, slovenaj esperantistoj kiuj loĝas en Hispanio, organizis Esperanto-Ekspozicion en **Punta Umbría** (Huelva), laŭ aŭspicio de Slovena Asocio por la Internacia Lingvo kaj de la Urbeŝtaro de tiu urbo, kun helpo de Julio Herrero kaj Malaga E-Asocio, de José María Salguero (Kani) kaj de Alejandro Pareja.

Federico Faccio, kiu instruis esperanton en Salamanca nun estas volontulo de TEJO en la Centra Oficejo de Roterdamo.

ESPERANTA MONDO

La 1-an de decembro 2008 aperis la **aŭstria poŝtmarko** "esperanto.net" okaze de la jubileo "100 jaroj de Universala Esperanto-Asocio". Unu ekzemplero estas senkoste havebla ĉe: esperanto@chello.at (Walter Klag)

La **nederlanda** poŝto eldonis, en novembro, **poŝtmarkon** dediĉitan al la centjariĝo de UEA laŭ desegno de la barcelona esperantisto Guillem Sevilla. La jubilea poŝtmarko estas vendata en folioj de 10 markoj; ĝi estas mendebla ĉe la Libroŝerbo de UEA. Unu folio kostas 5,50 eŭrojn plus afranko.

Libera Folio publikigas la **novjaran mesaĝon de la Prezidanto de UEA**, Probal Dasgupta. La prezidanto de Universala Esperanto-Asocio atentigas ke UEA skribis la koncepton de homaj rajtoj en sian statuton jam en 1947, unu jaron antaŭ la akcepto de la Universala Deklaracio de Homaj Rajtoj. Laŭ Probal Dasgupta speciale la savado de la lingva kaj kultura trezoro de la homaro apartenas al la daŭra labora tagordo de la asocio. Legu en: <http://www.liberafolio.org/2008/sojle-al-espero>

Nova disko de **Vinilkosmo**: "Fek' al Esperanto!" de la grupo "La pafklik!". Esperanto bonege sidas ĉe hiphopo. Kvankam kantas francoj... ili prononcas perfekte.

Radio Esperanto. Halina kaj Aleksander parolas el Kaliningrado. Aŭskultu: <http://la-ondo.rpod.ru>

La germana eldonejo Marix Verlag vendis, en la unua monato post ĝia apero, **700 ekzemplerojn** de la nova dudirekta vortaro esperanto-germana.

Paĝaro speciale rekomendita al hispanoj por lerni esperanton pere de la plej modernaj metodoj eĉ kun sonekzercoj por prononcado:

<http://esperantofre.com/edu/lernuh.htm>

GRAVAJ ATINGOJ EN 2008

En la januara numero de "La Ondo de Esperanto", diversaj gravuloj elektis la plej elstarajn atingojn pri esperanto en la jaro 2008:

La aprobo de la Eŭropa Komisiono de du projektoj en kiuj Esperanto peras: la projektoj de Eŭropa Esperanto Unio kaj de Kroata Esperanto-Ligo; la poresperanta rezolucio de la Pola Parlamento, la Unua Tutmonda Kongreso de Esperantistaj Ĵurnalistoj; la kunveno pri lingvaj rajtoj en Ĝenevo, la Zamenhof-tago en Unesko en Parizo.

VENONTAJ KONGRESOJ

6-a ĝis 9-a de Marto **Iberia Renkontiĝo 2009** ("Duria Plonĝado") Oporto.

<http://esperanto.pt/ir2009> kaj en www.esperanto.es

2-a ĝis 5-a de julio 68^a Hispana Kongreso de Esperanto kaj 14^a Andaluzia Kongreso de Esperanto. Malago. www.esperanto.es

28-a de majo ĝis 3-a de junio 68-a Eŭropa Esperanto-Kongreso. Herzberg am Harz (Germanio)

25-a julio ĝis 1-a aŭgusto. 94-a Universala Kongreso de Esperanto. Bialystok (Pollando). <http://94uk.bialystok.pl>

HISPANA ESPERANTO-FEDERACIO

Deĵor-horaro de HEF oficejo: Sabate de 11,00 ĝis 13,00 (deĵoras Miguel, estrarano pri HEJS).

Dum januaro HEF devas sendi al "Agencia Tributaria" datumoj de la membroj kiuj pagis la kotizon 2008. Ili ricevos dekalkulon en "IRPF"

Dank'al la helpo de Toño del Barrio denove la estraro de HEF petis subvencion al Ministerio pri Kulturo, tiu-ĉi jare okaze de la 150-a naskiĝdatreveno de Zamenhof.

VENONTAJ PROGRAMOJ EN MADRIDO

Por esti informita regule pri tiuj aferoj kaj aliaj kiuj okazos en Madrido, aliĝu al la listo "esperanto_madride": sendu malplenan mesaĝon al
<< esperanto_madride-subscribe@yahoo.com >>

Niaj konversacia-rondoj okazas **ĉiulunde**, ekde la 18.30 h, en RODRÍGUEZ SAN PEDRO 13-3º-7 Tel. 91 446 80 79.

2-an de februaro, je la 19,00h kunbabilado. Gvidas Juan del Castillo

7-an de februaro, ekde la 18,00 okazos babilrondo en la irlanda trinkejo "Finnegans" (Plaza de las Salesas). Ankaŭ okazos la 7-an de marto

16-an de februaro je la 18,30h Platas parolos pri "Mia vivo en la cirko"

150-a naskiĝdatreveno de la kreinto de Esperanto, d-ro L.L.Zamenhof

ESPERANTO LICEO DE MADRID

Asociación de Utilidad Pública Municipal
San Alejandro 6- 4ºB EXT
28005 Madrid